



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02-11-4-7793-5/23

Datum: 19.12.2023. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službeno novine Kantona Sarajevo”, broj 1/16, 26/19, 31/19 i 39/20), člana 69. st. (1) tačka b) i (2) tačka d), a u vezi sa članom 70. st. (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22), članom 34. Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine KS”, broj: 44/23) i preporuke Komisije za nabavku printera i multifunkcionalnih uređaja za potrebe Uprave policije, imenovane Rješenjem broj: 02/5-1-30-1-7354 od 12.10.2023. godine i broj: 02/5-1-30-1-7354-2 od 01.11.2023. godine, u postupku javne nabavke nabavku printera i multifunkcionalnih uređaja, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, donosi :

## **ODLUKU**

### **O PONIŠTENJU POSTUPKA JAVNE NABAVKE PRINTERA I MULTIFUNKCIONALNIH UREĐAJA**

#### **I**

Poništava se postupak javne nabavke printera i multifunkcionalnih uređaja za potrebe Uprave policije Ministarstva unutrašnjih poslova Kantona Sarajevo, i to:

1. iz razloga što nijedna od primljenih ponuda nije prihvatljiva za :

- **LOT 1- Printeri;**

- **LOT 2- Multifunkcionalni uređaji**

#### **II**

Ova odluka stupa na snagu danom donošenja, objavit će se na web stranici [www.mup.ks.gov.ba](http://www.mup.ks.gov.ba) i dostavlja se svim ponuđačima koji su učestvovali u postupku javne nabavke.

#### **Obrazloženje**

Na osnovu Odluke broj: 02-11-4-7793/23 od 01.11.2023. godine i Obavještenja o nabavci broj: 16475-7-1-141-3-139/23 od 07.11.2023. godine i Ispravka za obavještenje o nabavci broj: 16475-7-1-141-8-143/23 od 15.11.2023. godine, proveden je konkurentski zahtjev za dostavu ponuda nabavke printera i multifunkcionalnih uređaja za potrebe Uprave policije Ministarstva unutrašnjih poslova Kantona Sarajevo.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik sa otvaranja ponuda broj: 02-11-4-7793/23 od 23.11.2023. godine. Prema Zapisniku sa otvaranja ponuda broj: 02-11-4-7793/23 od 23.11.2023. godine za aktivno učešće u postupku dostavljena su ponude ponuđača za:

- **LOT 1- Printeri :**
  - R&S d.o.o. Sarajevo;
  - TELNET d.o.o. Sarajevo;
- **LOT 2- Multifuncionalni uređaji:**
  - ALF-OM d.o.o. Banja Luka
  - TELNET d.o.o. Sarajevo;

Komisija za nabavku printera i multifuncionalnih uređaja za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-7793-4/23 od 15.12.2023. godine, kojim je utvrdila sljedeće:

1. Uvidom u priloženu dokumentaciju pristigle ponude ponuđača ALF-OM d.o.o. Banja Luka Komisija je utvrdila da ponuda za LOT 2, ne ispunjava uslove tražene tenderskom dokumentacijom, obzirom da su tenderskom dokumentacijom u Obrascu za cijenu ponude u dijelu koji se odnosi na tehničku specifikaciju, traženi uređaji koji podržavaju:

- za Multifuncionalni uređaj - TIP 1- Podržani Operativni sistemi: min Win10, Win11, Rezolucija skeniranja: min 600x600, Rezolucija kopiranja: min 600x600, a u dostavljenoj dokumentaciji ponuđač nije dostavio dokaze iz kojih se vidi ispunjavanje navedenih tehničkih specifikacija;

- za Multifuncionalni uređaj - TIP 2 - Inicijalni crni toner: min 1600 strana, a ponuđač je dostavio dokumentaciju u kojoj je navedeno inicijalni crni toner: 1000 strana;

- za Multifuncionalni uređaj - TIP 2 - Brzina dvostranog ispisa: min 20 ipm, a u dostavljenoj dokumentaciji ponuđač nije dostavio dokaz iz kojeg se vidi ispunjavanje navedene tehničke specifikacije;

Također, utvrđeno je da je ponuđač ALF-OM d.o.o. Banja Luka za LOT 2 Multifuncionalni uređaj - TIP 2 dostavio dokumentaciju sa izvršenim google prevodom na bosanski jezik na stranicama od 63. do 75. Ponude za LOT 2, ali nije dostavio navedeni dokument na izvornom jeziku sa prijevodom ovlaštenog sudskog tumača kako je traženo tačkom 19. tenderske dokumentacije.

2. Uvidom u priloženu dokumentaciju pristigle ponude ponuđača R&S d.o.o. Sarajevo, Komisija je utvrdila da ponuda za LOT 1 ne ispunjava uslove tražene tenderskom dokumentacijom, obzirom da su tenderskom dokumentacijom u Obrascu za cijenu ponude, u dijelu koji se odnosi na tehničku specifikaciju, traženi uređaji koji podržavaju:

- za printer TIP 1 - Preporučeni mjesečni ciklus: min 6000, a ponuđač je dostavio dokumentaciju u kojoj je navedeno za printer TIP 1 - Preporučena mjesečna količina stranica: 750 do 4000;

- za printer TIP 2 - Povezivanje, standardno: min 1 USB 2.0 ili bolji; 1 host USB; min. Gigabit Ethernet 10/100/1000BASE-T; 802.3az(EEE), a u dostavljenoj dokumentaciji ponuđač nije dostavio dokaz iz kojeg se vidi ispunjavanje navedene tehničke specifikacije (802.3az(EEE));

- Brzina ispisa str./min (ppm): min.45 str./min, a ponuđač je dostavio dokumentaciju u kojoj je navedeno za printer TIP 2 - Brzina ispisa str./min (ppm): min.43 str./min.;

- za printer TIP 3 - Kapacitet baterije printanja: min 100 stranica crno-bijelo i min. 50 stranica kolor, a u dostavljenoj dokumentaciji ponuđač nije dostavio dokaz iz kojeg se vidi ispunjavanje navedene tehničke specifikacije;

- za printer TIP 4 - Srednja količina ispisa između neuspjeha (MVBF): max 21 milion linija, a u dostavljenoj dokumentaciji ponuđač nije dostavio dokaz iz kojeg se vidi ispunjavanje navedene tehničke specifikacije.

3. Uvidom u priloženu dokumentaciju pristigle ponude ponuđača TELNET d.o.o. Sarajevo, Komisija je utvrdila da ponuda za LOT 1 ne ispunjava uslove tražene tenderskom dokumentacijom, obzirom da su tenderskom dokumentacijom u Obrascu za cijenu ponude, u dijelu koji se odnosi na tehničku specifikaciju, traženi uređaji koji podržavaju:

- za printer TIP 1 - Preporučeni mjesečni ciklus: min 6000, a ponuđač je dostavio dokumentaciju u kojoj je navedeno za printer TIP 1 - Preporučena mjesečna količina stranica: 750 do 4000.

- za printer TIP 2 - Povezivanje, standardno: min 1 USB 2.0 ili bolji; 1 host USB; min. Gigabit Ethernet 10/100/1000BASE-T; 802.3az(EEE), a u dostavljenoj dokumentaciji ponuđač nije dostavio dokaz iz kojeg se vidi ispunjavanje navedene tehničke specifikacije (802.3az(EEE));

- Brzina ispisa str./min (ppm): min.45 str/min, a ponuđač je dostavio dokumentaciju u kojoj je navedeno za printer TIP 2 - Brzina ispisa str./min (ppm): min.43 str/min.

- Brzina ispisa str./min: 7 str/min crno-bijelo; 4 str/min kolor, a ponuđač je dostavio dokumentaciju u kojoj je navedeno za printer TIP 3 - Brzina ispisa str./min: 6,7 str/min crno-bijelo; 3,8 str/min kolor.

- Podržani operativni sistemi: min Win10, Win11 (32-bit, 64-bit), a ponuđač je dostavio dokumentaciju u kojoj je navedeno za printer TIP 3 - Podržani operativni sistemi: win 8.x;

3.1 Uvidom u priloženu dokumentaciju pristigle ponude ponuđača TELNET d.o.o.Sarajevo, Komisija je utvrdila da ponuda za LOT 2 ne ispunjava uslove tražene tenderskom dokumentacijom, obzirom da su tenderskom dokumentacijom u Obrascu za cijenu ponude, u dijelu koji se odnosi na tehničku specifikaciju, traženi uređaji koji podržavaju:

- za Multifunkcionalni uređaj - TIP 1- Preporučeni mjesečni volumen ispisa: min. 6.000 stranica, a ponuđač je dostavio dokumentaciju u kojoj je navedeno za Multifunkcionalni uređaj - TIP 1 - Preporučeni mjesečni volumen ispisa 750-4000;

- za Multifunkcionalni uređaj - TIP 2- Brzina dvostranog ispis: min 20 ipm, a u dostavljenoj dokumentaciji ponuđač nije dostavio dokaz iz kojeg se vidi ispunjavanje navedene tehničke specifikacije;

- Inicijalni crni toner: min 1600 strana, a ponuđač je dostavio dokumentaciju u kojoj je navedeno za Multifunkcionalni uređaj - TIP 2 - Inicijalni crni toner: min 1000 strana;

-Takoder, utvrđeno je da je ponuđač TELNET d.o.o. Sarajevo za LOT 1 i LOT 2 na stranicama od 24. do 39. Ponude za LOT 1 i na stranicama od 7. do 14. Ponude za LOT 2, dostavio dokumentaciju na stranom jeziku, međutim propustio je dostaviti navedenu dokumentaciju na jednom od službenih jezika u Bosni i Hercegovini ili na drugom jeziku, ali sa prijevodom ovlaštenog sudskog tumača u skladu sa tačkom 19. tenderske dokumentacije.

- Uvidom u priloženu dokumentaciju pristiglih ponuda ponuđača TELNET d.o.o. Sarajevo za LOT 1 i LOT 2 utvrđeno je da u Obrascu za cijenu ponude nije popunjena rubrika "proizvođač i model", međutim s obzirom da se navedeno može utvrditi iz dostavljenje tehničke specifikacije ovo je smatrano manjim nedostatkom koji ne utiče na ispravnost ponude.

U skladu sa gore navedenim, ponude ponuđača R&S d.o.o. Sarajevo i TELNET d.o.o. Sarajevo za LOT 1-Printeri i ponude ponuđača ALF-OM d.o.o. Banja Luka i TELNET d.o.o. Sarajevo za LOT 2-Multifunkcionalni uređaji, nisu prihvatljive te se u skladu sa članom 68. stav (4) tačka i) Zakona o javnim nabavkama BiH odbacuju.

S obzirom da zaprimljene ponude nisu prihvatljive, preporuka Komisije je da se donese Odluka o poništenju postupka javne nabavke u skladu sa članom 69. stav (2) tačka d) Zakona o javnim nabavkama.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav (1) tačka b) i stav (2) tačka d) Zakona o javnim nabavkama ("Službeni glasnik BiH", broj 39/14 i 59/22), riješeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH.



**POLICIJSKI KOMESAR**  
Generalni inspektor policije

\_\_\_\_\_  
**Fatmir Hajdarević**

**Dostaviti:**

1. Komisiji nabavku printera i multifunkcionalnih uređaja;
2. Ponudačima x3;
3. Odjeljenju za odnose s javnošću, radi objave na web stranici ovog organa;
4. a/a.